



**Historia Pelagiana Et Dissertatio De Synodo V.
Œcumenica In Qua Origenis ac Theodori Mopsuesteni
Pelagiani erroris Auctorum justa damnatio exponitur, &
Aquilejense Schisma describitur**

Noris, Enrico

Patavii, 1708

§. 1. Baronii, ac Sadoleti testimonia expena. Ludovici Donii pro Sadoleto
contrà Sanctum Augustinum dicta refelluntur.

[urn:nbn:de:hbz:466:1-72486](#)

§. I.

Baronii, ac Sadoleti testimonia expensa. Ludo-
vici Donii pro Sadoleto contrà Sanctum
Augustinum dicta reselluntur.

tuā fide metuentibus, Augustinum non suspecta quidem fidei Judicem pronuncias (hoc enim utcumque tolerari posset) sed ex Judice reum facis, ac contrà eundem triginta, & amplius testes producis, vociferans te nominare: *Principios Ecclesiae Principes, Pastoresque celeberrimos, & Doctores scientissimos sensuum Ecclesiastorum, minimeque suspectos!* Lib. 8. initio: Et ne paucorum contrà Augustinum ea conspiratio censeatur, protestaris cap. 3. te advocasse testes ex Gallia, ex Italia, ex Hispania, ex Germania: miror cur non etiam ex Japonia. Cum Augustinum à Bajanis vindicatum nobis ostensurum promittis, eundem misere laceratum exhibes. Sanè Magnum illum Duxem Hipponensem ab hostibus tuā virtute defensum in capitulo triumphantem cernere sperabamus, illi quidem lauream, tibi verò civicam coronam intexturi. Cum repente ex defensore hostis acerrimus, à Janseño in Augustinum aciem deflectis, ac innumeros tecum trahens eundem oppugnas. Scire vellem, quæte ratio, Annate (si quæ in hisce illa esse potest) ad longiorem hanc, & acerbiorem censuram scribendam impulerit? Respondes cap. 4. pag. 877. *Hac duxi proponenda, ut intelligamus, non nimis invercundos fore, si qui forte non ita se facilis exhibeant in iis omnibus admittendis, quæ videri cuiquam possint proposita fuisse ab Augustino.* Addis pag. 874. *Quæ plerique non videntur satis adverteisse, dum Molina audaciam exaggerant, indicantis, aliquid lucis defuisse Augustino in conciliandâ cum creatâ libertate divinorum decretorum, & auxiliorum efficacia.* Ergo ut Molina audaciam, quam exaggerant, excusares, Augustinus eximius ille Ecclesiæ Doctor tot errorum publicè coram Orbe Catholicò ingenti testium turbâ conductâ accusandus fuerat? Et quidem Annatus nonnulla contrà Augustinum testimonia producit, quibus nec ipse integrum fidem præstare dicit. Hinc suarum pia illæ ejusdem voces initio cap. 3. pag. 864. *Res ro tantum, non probo: Quæ repetit cap. 4. pag. 876. Quæ quidem ego refro, sed non probo.* Imò alicubi, dum pessimè Augustino obloquentes producit, quasi Sancti Doctoris vices dolens, hæc publice initio cap. 3. contestatur: *Velle & hoc, & alia quedam, quæ subjungam, mitius concepta.* Et pag. 876. cap. 4. disteria Pighii in Augustinum recitans ait: *Omitto honoris causâ, quod de Augustino subjungit: Et pag. infrauenit: Non referam, quæ dixit lib. 6. &c. quod in hi videantur in Sanctum Doctorem acerbius, quam vellim, esse dicta.* Mirum hæc Annato in religionem venisse! Ego quidem hujus Scriptoris voces surda aure pertransire decreveram; quis enim adeò erga Superioris irreligiosus esse potest, ut dicentis velle se contrà Augustinum testimonium dicere, aures præbeat, ac non potius audax hominis consilium execratus, procul abire eum jubeat? Ne tamen Augustinus qualiumcumque hominum testimonis succumbere videatur, libeat eadem repetere; etenim adversarii testimonia infirmare, vel rejicere, boni advocati, & bona cause præsertim cum plurimos contrà Augustinum testes producit, qui Augustiniani nominis studiosissimi semper fuere. Initio autem eos testes nominat, quibus Judices ipsi assurgant, Cœlestinum Papam, qui in Epistolâ ad Episcopos Galliæ non universem, ut putat, Augustini doctrinam approbavit, sed certas tantumquædam sententias, de quibus nulla modo controvèrsia est. Verum pluribus hæc suo inferiùs loco cap. 8. nobis examinanda sunt. Idem postea subnecit Purpuratos Vaticanani Sevatus Patres, nempè Baronium, Sadoletum, Bonaventuram, Cajetanum, Perronum, & Valerium: de quibus sigillatum judicandum est.

Igitur Annatus lib. 8. cap. 2. ait, Baronium, postquam Tom. 5. ad annum 431. retulit illa verba Cœlestini in sua Epistolæ ad Gallie Episcopos Profundiores autem &c. dicere: *His, inquam, profiteretur profundiores quæson illas de prædestinatione Sanctorum nequam ab Apostolicâ S. de definitas, illasque tantum esse stabilitas, quæ ad condemnationem errorum satis posse sufficere viderentur.* Quibus recitatis addit Annatus: *Hic ergo quero, quæ sint illa Autorum questiones de prædestinatione, quarum liberam affirmandi, aut negandi facultatem Cœlestinus facit, in interprete Baronio.* Hallucinatum puto hunc Recentiorem, qui ea de Baronio publicat, quæ ille nusquam asseruit. Etenim eruditissimus Scriptor capita illa Cœlestini Epistolæ annexa, nequaquam Cœlestino ipsi adscriptis, sed Prospéri esse dixit, ita enim ibi ait: *Putamur illa capita esse Prospéri, qui ut posteri videtur, ea collegit ex decretis Romanorum Pontificum, simulque Concilii Africani,* ubi idem Author hec habet in fine: *Profundioris verò, difficiliioresque partes &c.* Et tamen Annatus audet affirmare, Baronium ita Cœlestini verba interpretatum, cum eadem Prospero attribuerit, imò nec citræ dubium illius capituli hunc esse auctorem asserere ausus sit, putari tantum dixit. An verò Prosper, & Baronius quætionem illam de prædestinatione ad gloriam sine meritorum prævisione contrà Sanctum Augustinum resolvi possit citræ reprehensionem, affirmant, iidem nos doceant. Sanctus Prosper ad dub. 10. Genuensem ait: *Augustinus piatamen, constantique doctrinâ abundanter probavit, prædicandum esse Ecclesiæ prædestinationem, in qua sit gratia preparatio, & gratiam, in qua sit prædestinationis effectus, & præscientia Dei, qua an è saecula eterna, quibus esset collaturus sua dona præservit, cuius prædicationis quisquis est impugnator, apertissimus sit Plagianæ latronis adjutor.* Baronius verò Tom. 6. ad annum 490. postquam dixit, omnes Patres adversus Fausti scripta conspirasse, hæc addit: *Cum igitur Fausti sententia ubique ab Ecclesia fuerit contradicta, videant quanto periculo quidam ex Recentioribus, dum in Novatores insurgent, ut eos confutent, à Sancti Augustini de prædestinatione sententia recedunt, cum aliqui armi non dant, quibus adversarii profligantur.* Et tamen de sententiâ Sancti Doctoris de prædestinatione ad gloriam hæc Annatus tradit: *Quanvis Augustinus in convarium propendeat, permittenda tamen erit bujus questionis determinatio libera disputantium electioni, quod censuit etiam Cardinalis Baronius:* Cap. 1. pag. 857. Si nobis nullus esset oculorum usus, ac ea tantum de Baronio crederemus, quæ de eodem Recentiore ille publicat, Augustinus forte causâ caderet, sed cum oppositum disertè, clarissime, citræ ambages Cardinalis pronunciet, appellanda est hic Annati fides, qui vel in primo teste producendo apertissime errat. Augustini salva res est, adversario initio cauæ falsitatis convicto. In limine impegit Annatus: *insustum omen.*

Alter testis Purpuratus producitur Jacobus Sadoletus, qui lib. 2. in Epist. ad Rom. interpretans illa Pauli *Quos præscribit &c.* hæc ait referente Annato pag. 860. *Ex alterâ quoque parte, & si ab eâ stat Doctor maximus, idemque gravissimus, & sanctissimus vir, Augustinus, tamen durum admodum mibi videtur,*

G quodque

quodque illabi non facile queat ad sensus nostros, si omnino à nobis nihil sit, quod valeat ad obtinendam gratiam in pari conditione cunctorum, ita quosdam eligi, ut ceteri in calamitate, & danno desituantur &c. Verum ubi in Baronii testimonio recitando falsum Annatum vidimus, hic si non invidum, saltem negligentem liceat appellare, qui delatas à Sadoletus Augustino laudes decurat, testibus ipsius verbis haud fideliter repetitis. Hæc scribit Sadoletus: Sed ex altera quoque parte, & si ab ea stat DOCTOR OMNIUM MAXIMUS, idemque gravissimus, & Sanctissimus vir &c. Vides verbi illius OMNIUM energiam, qua Sadoletus ceteris Ecclesiæ Doctoribus Augustinum anteponit? At illud Annati calamo hæsit, quod sicut casu, non consilio accidisse concederem, nisi adversarii in Augustinum animus in aliam me sententiam traheret. Enimvero, si dices, Suarium Doctorem maximum, eundemque gravissimum, libenter id audiretur. At si adderes, eise illum OMNIUM maximum, ac gravissimum, ingentem illi invidiam conflare, quasi Aquinate, Scoto, Alberto, ceterisque principibus Scholasticis superiorum faceres. Sed ad Sadoletum veniamus.

Hic Scriptor non solum contrâ Augustinum, sed & contra Annatum ipsum sententiam dicit. Annatus cap. 1. & 2. tradit, homines prædestinari sine meritis ad gratiam, dicamusque, inquit pag. 860. antè prævisa merita homines ad gratiam prædestinari, post prævisum autem bonum usum gratie prædestinari ad gloriam &c. At Sadoletus aliquid meriti ad obtinendam gratiam exigit, fatetur enim durum sibi videri, si omnino à nobis nihil sit, quod valeat ad obtinendam GRATIAM. Audin, gratiam dixit, non gloriam, quæ sanc fuerat damnata Semipelagianorum opinio, in quam Sadoletus minus cautè impegit. At quoniam Sadoletus post editum Annati librum elegantem advocatum inventit, Ludovicum Donum Tom. 3. Hist. de Cardinalibus pag. 206. qui non modò Sadoletum defendit, verum etiam num. CX. Sanctum Augustinum arguit, quod hic dum toto spiritu, ac verborum ardore pro defensione diuinæ gratie pugnat adversus Pelagianos libram arbitrium cum injuria diuinæ gratia excollentes, in alteram quasi foream detabi videretur, minisque interdum tribueret, quam par sit, libera homini voluntati. Quam censuram ad verbum Doni exscriptis ex Sixto Senensi in Præfat. lib. 5. Bibl. Sanctæ: imò ex Juliano infensissimo illo Augustini hoste apud Sanctum Doctorem lib. 2. de Nupt. & Coac. cap. 3. Quare ut hujus testis ab Annato conducti, & à Donio defensi, error aperiatur, ejusdem sententia de initiosis fidei, ac reliquarum virtutum nobis monstranda est. Nam si è in opinione eundem ad Semipelagianos accessisse monstrabimus, quis statim non intelliget, nullius fidei ejusdem testimonium haberi, quippe quia cum Augustini hostibus conspiravit? Scripsit Jacobus Sadoletus Commentarios in Epistolam Pauli ad Romanos, ubi cùm ab Augustini sententiâ de prædestinatione recedere vellet, ad Semipelagianos miserè declinavit. In illud Apostoli cap. 8. vers. 29. Quoniam quos prævorit, & prædefinivit &c. hoc scribit: [Sic illud addo, ne in eodem quidem facto intelligi à nobis ejus sapientiam, si nullà causâ, ac ratione discriben faciente, alios improbet, rejiciatque ad interitum, alios ad salutem, & gratiam suam recipiat, cùm isto agere modo, atque operari, casus potius, quam consilii esse videatur.] Ita vult, ex parte liberi arbitrii aliquid boni præcedere, ut gratia huic potius, quam alteri donetur. Hæc plane Cassianus testiebat, cuius de Deo verba sunt collat. 13. cap. 12.

Ne penitus dormienti, aut inertí otio dissoluto sua dona conferre videatur, occasiones quodammodo querens, quibus humanae sentitie torpore discuso non irrationali munificientia sua largitas videatur, dum eam sub colore cuiusdam desiderii, ac laboris imparit. Affirmat tamen ibidem Sadoletus, hec initia boæ voluntatis, quas nos per nos ipsos ponimus, esse bona quedam imperfecta, nam concedit, virtutem secundum sui perfectiorum finè gratiâ haberî non posse. [Nihil enim, inquit, perfectum esse à nobis potest: Sed NOSTRA sunt INITIA & cogitandi, & volendi; atque ita nostra, ut magnam quoque partem in illis obtineat Deus. Ipsum enim necessariò propositum nobis habemus, cùm ipsum volumis, & cogitamus, ut sic ipse priùs nostrarum cogitationum, voluntatumque invitamentum, ad quem cùm inclinaverimus, quod bonum propositum vocat Paulus, velle deinde, & operari ex illo bono proposito PERFECTIUS à Deo nobis est, cùm ipsius ope, & subsidio ad recte agendum, constanterque volendum & fulciamur, & præmoveamur.] Hoc ipsum docebant Semipelagiani, qui initia, & boni tantum imperfecti inchoationem viribus liberi arbitrii deputabant. Audiatur idem Cassianus lib. 12. de Inst. Mon. cap. 14. Sed plane constantissime non mea, sed Seniorum sententiâ definio, PERFECTIONEM quidem finè his omnino capi non posse, bis autem solis finè gratiâ Dei posse eam à nemine consummari. Ut enim dicimus, conatus nostros apprehendere eam per se ipsos finè Dei adjutorio non posse, ita pronunciamus, laborantibus tantum, ac desudantibus misericordiam Dei, gratiamque conferri. Que cap. 23. de Dono pers. Sanctus Pater expludit. Idem Sadoletus in illa cap. 9. vers. 22. Si autem volens Deus ostendere iram &c. scribit: [A nobis aliqua initia boæ voluntatis, ut præparari ad misericordiam apti simus, proficiscuntur.] Non dissentit à Cassiano lib. 6. de Inst. Mon. cap. 18. ubi ait: Non omnibus una gratia Spiritus sancti tributur, sed ad quam se uniusquisque studio, vel industria sua dignum, aptumque præbuerit. Præterea Sadoletus in cap. 9. memoratum hæc habet: [Nam cùm sub servitute peccati nati nos sumus, neque nostra opera ex illo, nostrisque viribus emergere, atque ejicere nosmetipsos queamus, volumus quidem EX NOBIS etiam, & admittimus, veruntamen ad consurgendum Dei ope indigemus, qui TENTENTES BRACHIA ad se, corpusque agitantes, ut evolvantur, misericordia sua adjuvat, ignavos vero, & desides, neque quicquam agentes, quamobrem debeant sublevari, in ipso luto infixos, perditosque relinquunt.] In quibus egregiè concinit Fausto Semipelagianorum, coryphae lib. 1. de Grat. & Lib. arb. cap. 17. Et ita se, inquit, duo ista conjungunt, attrahens virtus, & obedientis affectus, quomodo si eger aliquis assurgere contetur, & facultas animum non sequatur, & proptere sibi porrigi dexteram deprecetur. Addit: Assistenti, & vocanti Domino famulus MANUM fidei, qua attrahatur EXTENDIT &c. At Sadoletus ne positis initiosis bona voluntatis ex viribus naturæ præter Dei auxilium, statuere videretur, gratiam perfectioris virtutis dari ex meritis, addit: [Sic nostrum credere simplex illud, & inchoatum, quo ad obediendum Deo incipimus inclinari, non continuè mereri est, sed tunc meremur, cùm firmati in bona voluntate ab ipso Deo &c.] Hoc pariter Semipelagiani tradebant, quorum princeps Collat. 13. cap. 13. ait: Dum eam gratiam sub colore cuiusdam desiderii, & laboris imparit, & nihilominus gratia Dei GRATUITA perseveret, dum exiguis quibusdam, parvisque conatiis tantam immor-

immortalitatis gloriam, tanta perennis beatitudinis dona inestimabili tribuit largitate. Irrisit hoc subterfugium Augustinus lib. de Prædest. Sanctor. cap. 2. *Quis autem, inquit, dicat eum, qui jam coepit credere, ab illo, in quem creditit, nihil mereri? Unde sit, ut jam merenti cetera dicantur addi retributione: divinā, ac per hoc Gratiam Dei secundum merita nostra dari. Vide eundem lib. 4. ad Bonif. cap. 6.* Ex his patet, Sadoletum, dum imprudenter ab Augustini sententiā deflectit, Semipelagianis adhaesisse, qui initia quædam fidei, ac bone voluntatis in nobis ex nobis asserebant, quos Arausicanā Synodus II. hoc can. 5. damnavit: *Si quis sicut augmentum, ita etiam INITIUM fidei, ipsiusque CREDULITATIS AFFECTUM, quo in eum credimus, qui justificat impium, & ad regenerationem baptismatis pervenimus non per gratiæ donum, id est per inspirationem Spiritus sancti corrigentem voluntatem nostram ab infidelitate ad fidem, ab impietate ad pietatem, sed NATURALITER nobis inesse dicit, Apologeticis dogmatibus adversarius approbat.*

Hic vero nobis res erit cum Donio, qui num. 106. scribit: *Verum quis tantum virum, tamque Orthodoxum semipelagianismi laqueis irretitum credat, aut voluntem, aut imprudentem?* Miror, hunc Scriptorem adeo perfuctorē Epistolas ipsas Sadoleti legisse, ut non inde intellexerit, Sadoletum ob eam sententiam de initis virtutum, quam suis in Paulum commentariis inferuerat, à doctissimo, ac sapientissimo Cardinale Gaspare Contarenō per literas reprehensum fuisse. Hæc enim rescribit Sadoletus lib. 9. Epif. 9. *[Quod autem parior fui in præveniente Dei gratiæ expli- canda, quam par esset agnoscere errorem, cum tibi ita videatur.] Rursus tamen ibid. repetit: Pelagianum esse non puro, si in initiis aliquid retineamus, quod sit nostrum.] Conquestus amicè fuerat Contarenus, quod non sati pro dignitate de Augustini sententiā in eisdem interpretationibus locutus fuerat, videbat enim Contarenus, eam opinionem de initis virtutum ex solis viribus arbitrii in Pelagii reliquis ab Augustino solidissime expugnatam fuisse. Illi vero in Epist. 10. anno insequenti datâ hæc Sadoletus repōsuit: *Cum scriptissimad Paulum, me quadam in re leviter te diuidere, isque mihi dixerit, cupere te scire, ubi, & qua de re sit dissensio. Primum tibi prædicto, me in illâ de libero arbitrio sententiâ non omnino assentiri Augustino, qui libertatem nostræ voluntatis PERSPICUE' aufert: dumque Dei gloriam maximè complecti vult, videtur mihi illi derogare aliquid potius, quam quod videatur tribuere. Hæc si effemus una, liberosque in manibus haberemus, facile tibi probaturum considerem.] Hæc si Annatus legisset, dubio procul inter nobiliores contrâ Sanctum Doctorem testimonia recensisset. Sed nec Donius commentatoris Sadoleti legit; nam si eodem vel leviter inspexisset, profectò intellexisset, semet operam perdere, dum Sadoletum ab errore conatur vindicare, quasi ille hoc tantum voluerit, ut in initis ex spiritu gratiæ operantis factis, aliquid nostrum reperiatur, quia anima, vel eius potentia influat physice in actus vitales supernaturales. At Sadoletus durius loquitur, quam ut eo pacto emoliri possit. Etenim loco superius laudato Pauli Rom. 8. ut universam questionem tolleret, seque ob initia virtutum natura-liter posita à quacunque erroris suspicione liberaret, scribit, quod [cum Deus dupliciter causa bonarum rerum sit, vel ut effector, & ipse agens, vel ut finis, resque desiderata] priori modo ait: *Deum movere ad actus nobiliores, & perfectos virtutum fidei, amo-***

ris Dei, religionis &c.] Postea verò addit: *Verum quia Deus finalis rerum causa est, & ad eum, ut ad summum bonum mentes nostræ moventur, nostra haec tenus voluntas, & cogitatio, & prima illa, atque inchoata actionum nostrarum consilia ex Deo quoque que sunt.] Rationem affigat: *[Non enim tunc ut movens, & impellens auctor ipse est, & principium universum nostræ voluntatis, sed ut appetitus, & desideratus: magnum quidem tum quoque momentum afferens ad inclinandum nos, atque allicendum.] Non ergo primi illi boni motus in Deum ex Sadoleto fiunt ex spiritu gratiæ operantis, ut Donius dicebat: neque enim Deus tunc movet, ut effector, & ipse agens, qua ratione semper movet per spiritum gratiæ operantis; unde sunt illa Arausicana Synodi can. 9. Quoties enim bona agimus, Deus in nobis, atque nobiscum, ut operemur, operatur. Neque Semipelagiani negabant, ad initia illa bonorum operum Deum movere in ratione finis; Deus enim erat objectum apprehensum sub ratione veri, & boni, cui inchoativè credebant, quod desiderabant, quod petebant. Ideo verò damnavi sunt, quia non sati est, Deum movere tantum ut objectum, sed movere debet tanquam agens ad hoc ut credamus, & velim per infusionem sancti Spiritus ex eodem Arausicanō can. 6. & can. 5. ubi statuit, *initium fidei, ipsiusque credulitatis affectum fieri in nobis per gratiæ donum, id est per inspirationem Spiritus sancti.* Aliundè etiam Donius Sadoleti errorē intelligere poterat, dum idem hæc de Augustino scribit: *Libertatem nostræ voluntatis perspicue assert.* Sunt hæc putidae Semipelagianorum tum veterum, tum recentiorum voces. De primis scribit Sanctus Prosper ad Rufinum: *Scripta ejus, nempè Augustini, quibus error Pelagianorum impugnatur, insaniantur: dicentes, cum liberum arbitrium penitus submovere. Easdem tibias contrâ Augustinum instarunt Arminiani, nova Semipelagianorum progenies, quorum unus Hugo Grotius lib. 17. Hist. Belgicæ ait: Primus omnium Augustinus, ex quo ipsi cum Pelagio, & eum secutis certamen (nam ante alter & ipse seruat) acer disputandi, ita libertatis vocem relinquare, ut ei de cœta quedam Dei præponeret, que vim ipsam destruere viderentur.* Quis igitur posthac Sadoletum eo in errore cum Semipelagianis, incaute quidem, & inscienter, negabit conspiratione, dum illorum convicia in Augustinum jactat? Donius num. CVIII. quod in calce literarum, ut putat, Coelestini legitur, Profundiores verò &c. magnopere animadvertendum dicit. Verum & id, quod cap. 3. asseritur magnopere animadvertendum illi fuerat, ubi de Semipelagianis contrâ Augustinum scribentibus, hæc recitantur: *Cum Pelagium, atque Cœlestium anathematizare non dubitent, magistris tamen nostris TANQUAM NECESSARIUM MODUM EXCESSERINT, OBLIQUNTUR.* Quæ quidem, si magnopere animadvertisset, hædū equidem pronunciasset, quod Augustinus in alteram quasi forsan delabi videtur, minisque interdum tribuere, quam par sit, libera boni voluntati: Num CX. Ex hucusque fusius probatis evidenter constat, Jacobum Sadoletum cum Semipelagianis contrâ Augustinum incaute sensisse, & replet in extremam, & remotissimam sententiam contentionē disputandi, magis quam considerata, & quietâ ratione adductum te contulisse, quæ verba ita ille merito audire debet, uti injustè eadem Epist. 10. ad laudatum Contarenū contrâ Sanctum Doctorem illemet usurpavit. Interim Annatus videat, qualem contrâ Augustinum testem appellaverit, nempè Scriptorem, qui contrâ eundem cum Semipelagianis, quod**

Vindiciæ Augustinianæ.

initia virtutum attinet, conspiraverit; & tamen promiserat initio statim libri octavi, se in judicium contrà Augustinum conducturum testes *minime suspectos*. Hactenus de Sadoleti, cuius quidem erratum libentius siluisse, sed Annati, & Donii ex Sadoleti verbis instituta contrà Sanctum Patrem accusatio in-vito penitus, ac reluctanti hucusque dicta extorserunt.

§. II.

Sancti Bonaventurae, & Cajetani dicta examinantur.

Tertium testem opponit Sanctum Bonaventuram in 2. sent. d. 33. q. 2. art. 3. dicentem: *Ad illud, quod primò obiectitur in contrarium de verbis Augustini, dicendum, quod Augustinus in verbis illis non intendit dicere, quod parvuli sensibiliter crucientur, sed intendit eorum penam manifestare quantum ad carceriam visionis Dei, & quantum etiam ad punitatem loci, & hoc valde abundanter exprimit, plus dicens, & minus volens intelligi.* Verum negotium nobis non facessit Bonaventuræ contrà Augustinum testimonium, nam eo loci loquitur de libro de fide ad Petrum Diaconum cap. 27. ubi legimus, pueros decadentes sine baptismo ignis eterni sempiterno suppicio puniendos; qui liber est Fulgentii, non Augustini. Quare si communis illius facti opinione ductus Seraphicus Doctor Augustini illa verba esse putavit, cum alterius sint, ejus testimonio non perstamus, non enim illius dictum apud Judices quicquam ponderis habet, quo per deceptionem de quopiam aliquid affirmatur, quod non ab illo, sed ab altero assertum constat. Hinc Sancti Doctoris modelitia elucet, qui Augustini sententiam, ut putabat, haud severiori censurâ perstrinxit, sed leni interpretatione mitigavit. At Annatus gravi supercilio eandem in sententiam tonat lib. 8. cap. 1. *Negamus crudelē consequiam.* Rursus eo dicto, Augustinus plus dixit minus volens intelligi, semel Bonaventura usus est, & ea in sententiâ, quæ à latere contrà Pelagianam heresim tradita est. Verum Annatus pag. 892. laudatam Sancti Bonaventuræ moderationem abutitur ad mitigandas Augustini sententias in quæstione de efficaciâ divinæ gratiæ, hæc enim scribit: *Et si quis inslet, Augustinum aliis locis id exprimeret, quis non videt, si hoc esset, nihil aliud sequiturum, quam ut dicit Sanctus Bonaventura, illis locis Augustinum plus dicere, iis autem, quæ sunt à nobis allata, minus velle.* An verò illâ in sententiâ de penis parvulorum fuerit Augustinus, nihil ad rem præsentem facit, nam de libro de fide ad Petrum locutus est Bonaventura, cuius verba, quam parum adversarios juvent, abunde superius diximus cap. 3. §. 1.

Audiamus quartum Cardinalem Cajetanum, qui sic loquitur 1. p. q. 70. art. 3. *Suffit autem verba hanc Glossam, quia quando contrâ Averroem erat sermo, fas erat declinare in oppositum, ut Augustinus contra Pelagianos facit. Hoc est, ait Annatus pag. 862. excedere lineam necessariæ veritatis: ut sit nimia quedam severitas, & iniqua vexatio, quæ medium illud, in quo veritas sedet, transgredi jubet, si præeat Augustinus.* At medium se tenere clamat Augustinus, atque hoc primus mortalium docuit lib. 4. contrâ duas Epist. Pelag. cap. 3. ad Bonifacium Papam hæc scribens: *Ista npharia, & damnabilia dogmata in hac tripartitâ divisione quisquis mente catholicâ exhibet, illius quinque partitæ latebras, insidiasque devitet, atque ita inter utrumque si cautus, ut sic declinet Manichaum, ne se inclinet in Pelagium; rursusque ita se se Jungat à Pela-*

gianis, ne se conjugat Manicheis, aut si in alterutris jam teneatur, nec sic se à quibuslibet alteris servet, ut in alteros irruat. Quis igitur Cajetano in hoc credat, ac non potius Augustino coram Apostolicâ Sede hoc protestanti? Sed dices, impetu disputationis Augustinum extrâ sibimet statutos à se limites excurrere, hoc est extrâ lineam necessariæ veritatis, ut loquitur testium conductor. Miror, Annatum, qui capita Epistolæ Cœlestini ad Gallos annexa, ipsius Cœlestini esse putat, imò, quæ est hominis diligentia, atque eruditio, ne dubitavit quidem, hanc crambem iterum recoxisse. Verus illa fuit calunnia à Semi-pelagianis Augustinio opposita, unde eosdem falsarios obloquutores Pontifex rejecit, ut §. superiori diximus, cuius sanè verba, cùm illi accusationem repeatant, pro defensione nobis etiam repetenda sunt, hæc enim scribit: *Quia nonnulli, qui catholico nomine gloriantur, in damnatis autem hereticorum sensibus seu præitate, sive imperitiâ demorantur, piissimi disputationibus obviare presumunt, & cùm Pelagium, atque Cœlestium anathematis non dubitent, magistris tamen nostris, tanquam necessarium modum excesserint, obloquuntur.* Sed Annatus, qui solam appendicem Epistolæ Provinciales verò &c. antè oculos habuit, hæc in anteriori paginâ legere non valuit, vel legere, ac negligere idem fuit. Igitur Augustinus, Cœlestino judice, vel si negatis, saltem teste, lineam necessariæ veritatis non excessit. Quis autem unius Cajetani testimonium Sancti Cœlestini Papæ contestationi præponendum ducat?

§. III.

Cardinales Perronius, Valerius, ac Sanctus Carolus Borromaeus minus recte contrâ Sanctum Augustinum adduci.

Sequitur quintus accersitus ex Galliâ Perronius & purpurâ, & erectis ex continuo cum hereticis bello trophaës clarissimus, cuius sunt hæc verba, inquit Annatus: *Sat monui in quartâ mearum observationum, nos admodum distinguere proprias Sancti Augustini opiniones, dum loquitur, ut privatus Doctor, & ejusdem narrationes, quibus loquitur, ut testis uis communis Ecclesiæ, vel ea dicit, quæ Doctorum etatis suis communis consensui conformia sunt; ab unis siquidem argumentari nos tantum probabiliter, ab aliis demonstrative.* Benè ille quidem, ac dignè de Augustino sensit; quis enim privatæ Augustini sententias in Sacra v. g. pagina explicatione intrâ fidei canones referat? At hic controvèrtitur, quid de Augustini auctoritate Perronius sentiat in quæstione de prædestinatione, & gratiâ. Nam de Augustini auctoritate in iis, quæ ad diuinam circâ homines providentiam speulant, testimonia te producturum in ipso titulo libri octavi spoponderas. Liceat mihi Augustini huc verba inflectere: *Ingredere, Perroni, ingredere, & confide cum fratribus tuis, à quibus nullaratio, nulla tentatio separavit, opus est tuâ, & maximè tuâ sententiâ:* Lib. 1. contrâ Jul. cap. 6. Arrige Annate aures, Perronius suum de Augustino testimonium profert: *Augustinus Maximus post Apostolos prædestinationis Doctor, imò os, & LINGUA VETERIS ECCLESIAE quantum ad illam de gratiâ doctrinam:* Lib. 1. Rep. ad Regem Anglie cap. 12. *Quid te igitur, addit Augustinus, adjuvit, quod Perronii, tanquam tibi suffragaretur, testimonium posuisti?* Vis scire, an suam de prædestinatione sententiam docuerit Augustinus, ut privatus Doctor, an ut testis uis communis Ecclesiæ? Audi ipsummet